



17 Mac 2022
17 March 2022
P.U. (A) 61

WARTA KERAJAAN PERSEKUTUAN

FEDERAL GOVERNMENT GAZETTE

PERATURAN-PERATURAN HAK CIPTA (ORGANISASI PENGURUSAN KOLEKTIF) 2022

COPYRIGHT (COLLECTIVE MANAGEMENT ORGANIZATION) REGULATIONS 2022

DISIARKAN OLEH/
PUBLISHED BY
JABATAN PEGUAM NEGARA/
ATTORNEY GENERAL'S CHAMBERS

AKTA HAK CIPTA 1987

PERATURAN-PERATURAN HAK CIPTA (ORGANISASI PENGURUSAN KOLEKTIF) 2022

PADA menjalankan kuasa yang diberikan oleh seksyen 27A dan 59 Akta Hak Cipta 1987 [*Akta 332*], Menteri membuat peraturan-peraturan yang berikut:

Nama dan permulaan kuat kuasa

1. (1) Peraturan-peraturan ini bolehlah dinamakan **Peraturan-Peraturan Hak Cipta (Organisasi Pengurusan Kolektif) 2022**.

(2) Peraturan-Peraturan ini mula berkuat kuasa pada 18 Mac 2022.

Permohonan bagi perisytiharan

2. (1) Suatu permohonan bagi perisytiharan hendaklah dibuat kepada Pengawal dalam Borang CMO-1 Jadual Kedua bersama dengan fi yang dinyatakan dalam Jadual Pertama.

(2) Suatu permohonan di bawah subperaturan (1) hendaklah disertakan dengan—

- (a) sijil pemerbadanan syarikat berhad menurut jaminan pemohon;
- (b) dokumen konstituen pemohon yang mengandungi objektif utamanya sebagaimana yang dinyatakan dalam perenggan 27A(2)(a) Akta;
- (c) senarai pemunya hak cipta, pencipta atau pelaku atau ejennya;
- (d) dokumen konstituen pemohon yang berhubungan dengan kutipan dan pengagihan skim pelesenan;
- (e) bukti skim pelesenan dijadikan tersedia kepada awam; dan

- (f) dokumen atau maklumat lain sebagaimana yang diarahkan oleh Pengawal.

Pengeluaran perisytiharan

3. (1) Selepas mempertimbangkan permohonan yang dibuat di bawah peraturan 2, jika Pengawal berpuas hati bahawa pemohon layak dan sesuai untuk menjadi organisasi pengurusan kolektif di bawah subseksyen 27A(4) Akta, Pengawal boleh mengeluarkan perisytiharan kepada pemohon.

(2) Tertakluk kepada subperaturan (1), perisytiharan yang dikeluarkan oleh Pengawal hendaklah sah bagi tempoh dua tahun dari tarikh perisytiharan.

Pembaharuan perisytiharan

4. (1) Suatu permohonan bagi pembaharuan perisytiharan hendaklah dibuat kepada Pengawal dalam Borang CMO-2 Jadual Kedua tidak lewat daripada enam puluh hari sebelum tarikh habis tempoh perisytiharan itu dan disertakan dengan fi yang dinyatakan dalam Jadual Pertama.

(2) Jika suatu permohonan bagi pembaharuan dibuat selepas habis tempoh perisytiharan itu, pemohon hendaklah dikenakan bayaran surcay sebagaimana yang dinyatakan dalam Jadual Pertama.

Pembatalan perisytiharan

5. (1) Pengawal boleh membatalkan perisytiharan yang dikeluarkan di bawah peraturan 3 atas alasan yang dinyatakan dalam subseksyen 27A(6) Akta.

(2) Mana-mana organisasi pengurusan kolektif yang terkilan dengan keputusan Pengawal berhubung dengan pembatalan perisytiharan boleh meminta alasan pembatalan itu daripada Pengawal bagi maksud rayuan kepada Tribunal.

(3) Organisasi pengurusan kolektif hendaklah, dalam tempoh empat belas hari dari tarikh keputusan Tribunal, menyampaikan suatu salinan keputusan itu kepada Pengawal.

Fi

6. (1) Fi yang dinyatakan dalam Jadual Pertama hendaklah dibayar kepada Pengawal mengikut apa-apa cara sebagaimana yang diarahkan oleh Pengawal.

(2) Apa-apa fi yang dibayar di bawah Peraturan-Peraturan ini tidak boleh dibayar balik.

Pembatalan

7. Peraturan-Peraturan Hak Cipta (Badan Pelesenan) 2012 [*P.U. (A) 159/2012*] dibatalkan.

Kecualian dan peralihan

8. Mana-mana permohonan bagi perisytiharan yang dibuat di bawah Peraturan-Peraturan Hak Cipta (Badan Pelesenan) 2012 yang belum selesai sebelum tarikh permulaan kuat kuasa Peraturan-Peraturan ini hendaklah, pada tarikh permulaan kuat kuasa Peraturan-Peraturan ini, diuruskan mengikut peruntukan Peraturan-Peraturan ini.